

Don Bosco: edukadór ida ne'ebé akompañia iha estilu “SISTEMA PREVENTIVU”

Sr Piera Cavaglià FMA





**Bainhira ita hanoin ba Don Bosco,
ita imajina nia iha foin-sa'e sira nia leet,
sira haleu nia.**

Nia lema: *da mihi animas cetera tolle*
esprime ninia orasaun ne'ebé reflate
ninia identidade kle'an liu:
nia hetan ninia realizasaun
iha eduka Joven sira.



**Iha ne'e mak nia hatene katak
nia hala'o Maromak nia planu b
nia no ninia dalan santidade
nian.**



Iha Don Bosco nia sistema edukativu, **eduka**
implika akompañá, gia, marka prezensa atu
hatudu valor no meta atu atinji.



*Foin-sa'e nia an, ne'ebé livre no riku ho talentu sira
presiza sai boot no sai tasak iha liberdade no iha
responsabilidade. Intervensaun ne'ebé orienta no
akompaña la hamate espontaneidade no kriatividade,
maibé habiit nia.*



Ba nia akompañamentu buat ida
indispensavel no ezije dimensaun
paternidade/maternidade no tempu hanesan
fraternidade/resiprosidade.



Don Bosco konvensidu katak
«sosiedade sei sai di'ak, se fó
edukasaun di'ak ba juventude».





Hodi rona esperiência





Giovanni Bosco nia già sira

Mamma Margherita



feto matenek ida ne'ebé orienta
nia ba maturasaun umana no fiar
nian: «Nia rasik esforsu atu
prepara ha'u nu'udar nia bele no
hatene. Durante kuarezma nia
haruka ha'u loroloron ba
katesizmu... Iha ema lubun-boot
nia leet imposivel evita lakon
tempu. Ha'u-nia inan estuda oinsá
asiste loron barak liután; nia lori
ha'u dala tolu atu bá konfesa
durante kuarezma.....

Iha uma nia halo ha'u harohan, lee livru di'ak ida, hodi fó konsellu sira ne'ebé inan badinas ida hatene haree nu'udar apropiadu ba nia oan sira. Iha dadeer ne'e nia la husik ha'u ko'alia ho ema ida, nia akompaña ba meza sagrada no halo preparasaun no agradesimentu hamutuk ho ha'u» (MO 68)



Luigi Comollo



Iha palásiu ida-ne'e, molok padre Filippini sira nia konventu, iha 1829 loke tiha semináriu maiór datoluk arkidioseze Torino nian. Arcebispo Mons. Colombano Chiaveroti mak hakarak atu simu no forma klérigu estudante filozofia no teolojia nian ho kuidadu liután. Don Bosco hela iha fatin ne'e ba tinan neen (1835-1841). Iha-ne'e mak Giovanni Bosco koñese klérigu Luigi Comollo

Pe Giovanni Calosso



akompañá nia hanesan aman ida,
belun ida, mestre ida, gia ida ne'ebé fó
ba nia gostu ba Maromak nia sasán
sira: «Nune'e ha'u hatene katak sá iha
gia estavel ida, belun fiél ida klamar
nian, ne'ebé to'o tempu ne'ebá
ha'u la iha» (MO 71)

Pe Giuseppe Cafasso



gia espirituál estavel ida,
modelu ida, mestre ida moris
nian. «Se ha'u halo buat di'ak
ruma ha'u deve ba klérigu dignu
ida-ne'e iha-ne'ebé ha'u tau ha'u
nia desizaun hotu, estudu hotu,
asaun hotu ha'u-nia moris nian»

(MO 126)

**Giovanni Bosco nia
itineráriu espírituál
rekere:**

- **konfiansa iha Maromak**
- **konfiansa iha formadór sira**
- **saran an: entrega an iha laran-metin
no obediénsia dosil no kedas**
- **esforsu no pasiénsia iha dixernimentu hasoru obstákulu
no difikuldade husi li'ur no laran.**

Ne'e mak dalan naruk ida purifikasaun no abertura nian.





Dalan ida akompañamentu edukativu nian



La'ós prosesu ríjidu ida, maibé estilu ida
relasaun nian ***hahú husi moris*** no ***iha***
relasaun ho ema konkritu sira ho oin
repete-laek.



Liña konstante ruma

Sai prezente

- * halo ba ema seluk prezente ida ita-nia prezensa nian mai uluk “liafuan sira” no “sasán”.
- * *Asisténsia* nu’udar prezensa domin-na’in, diskreta no atenta. Katak ko’alia “linguajen fuan nian” no halo an sai “lian belun nian”. Sirkunstánsia naran de’it bele sai oportunidade ida enkontru no akompañamentu edukativu.

Sai nu'udar ita-nia an rasik, ho rikusoin rasik domin nian, talentu sira-nian, rekursu sira-nian, no mós limite rasik, lahó máskara.

Horik lahó ansi, atu simu iha fuan ema no halo espasu ba nia.



Espíritu família nian horik iha ema ne'ebé hatene halo ba ema seluk don prezensa ida belun nian, fó kofiansa nian, halo di'ak, pasiénsia, propozitiva.

Husi ne'e moris koñesimentu kona-ba ema seluk no liuliu konfiansa ne'ebé permiti atu kona "*talín sensível fuan nian*" no atu harii diálogu edukativu.



Tuir eskola

Mestre familiaridade nian

Akompaña la'ós de'it estratéjia edukativa ida, maibé tau abut iha espiritualidade ida, iha-ne'ebé ninia sentru mak dosilidade no laran-di'ak nu'udar Jezús nia karakterístika sira, “iha fuan maus no haraik-an”.



**Hilin ne'e empeñu ida ba moris tomak no konsiste
iha referénsia kontínua no vitál ba Jezús: «*Ema
ne'ebé hakarak ema seluk hadomi nia presiza hatudu
katak nia hadomi. Jezús Kristu halo an ki'ik ho ki'ik
sira no lori ita-nia moras sira [...]; la hatohar au
ne'ebé nakfera ona, la hamate ahi-oan ne'ebé suar
hela***



«Tuir ezemplu divinu ida-ne'e ha'u hakarak forma
ha'u-nia Salezianu doben sira no katak, ho
pasiénsia nabilan, no karidade badinas sira hein
hodi Maromak nia naran momentu oportunu atu
korriji sira-nia alunu sira».



*"Hakruuk no halo an ki'ik", husik kadeira mestre nian atu horik,
nu'udar maun no belun, iha foin-sa'e sira nia leet.
Espiritualidade ida-ne'e esprime iha hilin amorevolezza nian no
konsiste iha abandona forma hotu violénsia eh impozisaun nian,
atu to'o ba foin-sa'e sira no perzuasaun no laran-di'ak, katak ho
razaun no domin. Ne'e mak hadomi hodi la posui, servi hodi la
domina.*



Gia ba enkontru ho Maromak bee-matan ksolok nian


Ideál ne'ebé orienta Don Bosco nia asaun tomak mak ida «*haree foin-sa'e sira haksolok iha tempu no iha eternidade*»: «*Ha'u hakarak hanorin ba imi métodu ida moris sarani nian, ne'ebé tempu hanesan haksolok no kontente nian, hodi hatudu ba imi sá loos divertimentu no ksolok loloos sira, hodi bele halo imi dehan ho santu profeta David: "Ami serví Na'i iha ksolok santu" »*



**Edukadór/a mak ema ne'ebé
akompañá foin-sa'e sira iha viajen
ida-ne'e, hodi halo meta sai
atrativa no asesível.**




Proposta vida sarani ne'ebé suli husi ne'e bele
sintetiza nu'udar esperiênsia tolu: *moris iha*
Maromak nia prezensa, loke an ba don an rasik nian
iha karidade no kuda vida sakramental no orasaun.



Kria ambiente ida família nian

espíritu família nian” hetan ameasa maka’as husi sistema edukativu sira ne’ebé impoin no ríjidu, husi inan-aman no edukadór sira nia pedagogia laloos. «Kona-ba inan-aman kruél ira-ne’e infelizmente iha númeru boot».



Lahó “espíritu” ida-ne’e la iha vida, la
iha mós edukasaun. Defaktu, ida-ne’e
nesesidade konstitutivu ida atu bele sai
tasak nu’udar ema. «Ha’u/Ego» ida-
idak, ezije enkontru ho «Ó/ema seluk».



Ida-ne'e mak aspetu ida delikadu no frajil liu
"Sistema Preventivu" nian. Don Bosco terus
krize prezensa nian ida-ne'e. Edukadór sira,
ho atividade ne'ebé hanehan sira "martir
estudu no serbisu nian" lakon tiha kontaktu
pesoál ho foin-sa'e sira.




**Relasaun ho foin-sa'e sira mak rekursu ida atu favorese
konfiansa iha sira an rasik no iha ema seluk, edukasaun ba
domin, partisipasaun, sensu responsabilidade nian,
abertura sosiál, maturasaun sidadania responsavel nian.**



**Iha uma sira sente akollimentu, respeito, domin, liután
“doben liu” tuir pedagogia “ida ba ida”.
Iha ambiente nune'e laiha ema ida sente ki'ik liu atu la
sai protagonista, la iha ema ida sente culpa tanba
joven liu, eh seidauk tasak.**




Maibé oinsá klima ida-ne'e?
Don Bosco *"husik anin wain hale'u ema sira"*, katak la
hanehan sira ho proibisaun no regra barak, maibé
favorese klima espontaneidade nian.
Bele respira anin ida família nian no *"anin família nian
kahur malu ho anin Maromak nian atu forma klima ida
santu sira-nian"*.



**“Espíritu” ida-ne’e la’ós realidade estátika
ida, maibé presiza harii lora ba lora ho
pasiénsia kolen-laek no ho ema hotu nia
kontribuisaun. Nafatin ida domin ida ne’ebé
la natón.**

**Domin ne’ebé natón mak domin ne’ebé halo
ema sai boot no tanba ne’e hatene dehan
“lae” Domin ne’ebé natón ho laran-di’ak,
maibé firme.**

**mak domin ita-nia Fundadór sira nian, domin
ida riku iha esperansa ba buat ne’ebé ema
seluk, liuliu se foin-sa’e sira, bele sai.**



Husik Maria, inan no mestra gia ita

Jezús hatudu Nia nu'udar “mestra” no ida-ne'e katak ho funsaun “gia” nian. Nia mak *kaer Giovanni nia liman no lori* nia iha kampu apostoladu ne'ebé haketak hela ba nia, katak juventude. Nia mós mak Don Bosco *sente besik* ba nia iha situasaun hotu moris nian nu'udar prezensa ida ne'ebé orienta no tulun, inan ida ne'ebé la falta atu oferese ninia apoiu no gia.



Maria nia misaun edukativa iha relasaun direta
ho ninia maternidade espirituál ba humanidade
tomak. Maria, nu'udar Inan, simu bolun atu
hahoris Oan-Mane nia ilas iha ita, katak
identidade profunda.



**Maria simu edukasaun husi Jezús no,
tempu hanesan, nia mós Jezús nia
edukadora!**

**Maria mak Maromak nia tulun no
sarani sira-nian tanba nia nakloke
tomak ba Trindade.**



Oinsá nia eduka ita? Ho ninia ezemplu rasik nu'udar Inan, serva disponivel, oan-feto Aman nian ne'ebé simu ninia projetu domin nian no realiza iha fiar. Nia eduka ita ho ninia liafuan ne'ebé orienta ba Jezús: *"Halo buat ne'ebé Nia sei dehan ba imi"*, no ninia knananuk Magnificat nian, ho atitude matenek atu interpreta istória, ho ninia prezensa iha krús nia hun.



Maria mak Ida-Ne'ebé ita FMA sira labele husik ninia hakmaluk (kf Konstituisaun, art. 4. 44) tanba nia mak gia no modelu atu atua prezensa moris no badinas serbisu, nakonu ho amorevolezza saleziana, halo ho atensaun no tulun lais ba ema ida-idak, ho servisu haraik-an no tulun iha laran-luak, laran-di'ak laho frakeza, ho komprensaun wain no pasiénsia.



Husik “espíritu marianu” penetra ita no sai ba
beibeik “ilas moris Maria nian” mak dalan
privilejiadu ne’ebé akompañadór/a ida-idak
tenke hala’o iha ninia ezisténsia.



Modelu salezianu akompañamentu comunidade sira-nian

Modelu akompañamentu salezianu comunidade nian la'ós “piramidál”, maibé atua tuir estilu koordenasaun ba komuñan, katak servisu autoridade nian ne'ebé promove partisipasaun no envolvimentu iha nivel oioin.



**Ne'e mak ezijénsia ida karizma nian,
enkuantu klima ambiente salezianu ne'e
marka ho espíritu família nian.**



Ita-nia Konstituisaun no Reglamentu sira prevé
organizmu sira konfrontu no partisipasaun
nian ne'ebé fasilita komprensaun no
dixernimentu: n.e. enkontru komunitáriu sira,
avaliasaun komunitária, elaborasaun projetu
komunitáriu no edukativu.



Momentu xave koordenasaun iha nivel lokál
mak konsellu forma husi Irmán sira ne'ebé
partilla diretamente ho diretora iha
animasaun comunidade nian (kf Konst. 166-
168 elabora hikas iha 2008).



1. Nesesidade Konsellu lokál nian

Iha kadernu manuskritu Regra dahuluk nian (ms D: quaderno n. 4 del 1874) ba dala uluk ko'alia kona-ba Konsellu lokál, iha tempu ne'ebá hanaran “kapítulu”.

«4° - Loke tiha uma ida, no estabelese tiha ninia Superiora, sei forma kedas kapítulu ida (=konsellu) proporsaun tuir númeru Irmán sira ne'ebé horik iha nia. Uluk liu mak ekónoma, hafoin asistente sira (= konselleira sira) tuir nesesidade. Formasaun kapítulu ne'e nian kompete ba Kapítulu superiór no Superiora uma foun nian ne'ebé sei foti naran diretora nian» (kf art. 4, páj. 28).

IKonsellu no profesa hotu uma nian tenke esprime kona-ba kandidata nia idoneidade ho votasaun mós. «Hafoin sei hakat ba votasaun husi kapítulu no profesa hotu uma ne'e nian no se nia hetan maioria votu sira nian, sei halo relatóriu ezatu kona-ba ne'e ba Kapítulu superiór, ne'ebé sei tetu kona-ba ninia admisaun atu hatais ábitu relijiozu ho serimónia sira haktuir iha regra. Iha kazu kontráriu sei haruka hikas ba ninia família, menus se hanoin atu hanaruk prova» (kf páj. 30-31).

Signifikativu aumentu kapítulu tomak ho artigu haat kona-ba Governu internu Institutu nian iha-ne'ebé Don Bosco pontualiza knaar sira Vigária jerál nian no Asistente jerál na'in rua nian.

Nune'e Don Bosco nia ideia katak indispensavel Konsellu nu'udar órgaun reflesaun no dixernimentu nian ba superiora sira no ba superiora atu bele iha animasaun válida no governu di'ak ida.



Ezijénsia konsellu nian haktuir iha Kódigu Direitu Kanóniku nian: “*Superiór sira iha konsellu rasik tuir norma konstituisaun sira-nian no iha ezersísiu knaar rasik iha devér atu valoriza sira-nia obra* (Art. 627 § 1-2).

Iha kan. 127 Direitu Kanóniku nian, indika modu atu oinsá hala’o: Konsellu la delibera, la governa, maibé tulun Superiór.

Oinsá? Tuir Direitu: simu bolun atu fó konsentimentu, ka paresér. Ne’e hotu nesesáriu ba validade ba superiór sira nia hahalok sira.

Superiór la vota ho Konsellu, tanba nia deside depois bainhira Konsellu espresa an ona. Nesesáriu atu Konselleira HOTU hetan konsulta (kan. 127, § 2,2), selae ninia hahalok la válidu (= hanesan la realiza!).



2. Ezijénsia ekleziál: armonia entre autoridade no fraternidade

Hatene akompañá ema ne'ebé dispostu simu ema seluk nia akompañamentu no valoriza nia. Ba S. Bento, abade iha fatin importante ida iha comunidade monástika; nia, bele dehan, representa Jezús Kristu. Maibé, iha kazu desizaun importante sira, Bento dehan, tenke rona maun-alin sira nia konsellu, no tenke rona mós ida foin-sa'e liu, tanba Espíritu Santu bele ko'alia mós liuhusi nia. Depoizde konsulta abade tenke reflete kona-ba buat hotu, harohan no hafoin tenke deside, katak nia la hala'o votu demokrátiku ida, nia deside livremente, maibé deside bazeia ba konsultasaun ida.

Autoridade no fraternidade integra malu no kondisiona malu. Iha Kreda, tenke iha 'auctoritas' iha signifikadu orijináriu liafuan nian ne'ebé mai husi 'augere', halo buras. Autoridade ne'ebé la hanehan moris, maibé harii moris, hakbarak moris, halo moris buras no promove moris.



Iha nivel Kreda universál, ita presiza Pedro, ne'ebé, ho ninia profisaun fiar nian iha Kristu, mak fatuk boot hodi harii Kreda bá (Mt 16, 18) no tenke reforsa ninia maun-alin sira (Lc 22,32). Iha tempu difisil hanesan ita-nian, presiza halibur hale'u Pedro.

Tempu hanesan, Kreda presiza reforsa estrutura kolejiál/sinodál. Realidade rua ne'e la kontra malu. Integrasaun, ne'ebé Konsíliu Vaticano II hakarak, pontudevista rua, tenke kontribui atu reforsa unidade tomak no supera sentimentu ruma anti-ekleziál.



Estilu ida ne'ebé favorese dixernimentu no hamosu korresponsabilidade

Projetu Formasaun nia hilin nu'udar estratéjia datoluk simu inspirasaun husi Fundadór sira nia estilu governu nian: *koordinasaun ba komuñan*. Hilin ne'e tenke favorese iha Institutu modalidade *sirkulár animasaun* nian liuhusi sinerjia iha nivel hotu. Ne'e mak prosesu ida ne'ebé buka atu promove resiprosidade iha relasaun sira no korresponsabilidade ba animasaun ne'ebé fahe ba malu no kria rede operativa efikás.



**Hodi rona lian lahanesan mak ikusmai ita
to'o atu komprende Espíritu nia lian. La
iha ema ida kiak liu atu la soi buat ida atu
fó, no la iha ema ida riku liu atu la soi buat
ida atu simu...**



Kontestu relasaun loroloron nian mak ofisina
pedagójika di'ak liu akompañamentu nian no
komunidade, hodi espíritu família nia kbiit, sai
tebes duni "*schola amoris*" loos nian.
Kreximentu hotu iha umanidade realiza iha
relasaun interpesoál nia laran,
iha akompañamentu resíproku.



Prosesu dixernimentu iha estilu salezianu

iha faze *dixernimentu naruk no paciente* molok deside ita-nia Institutu nia fundasaun.

- * halibur ninia konsellu
- * nia informa kona-ba buat ne'ebé nia iha intensaun atu halo
- * konvida imi atu replete iha Na'i nia oin atu hanoin ninia pró no kontra sira no atu harohan ba fulan ida
- * atu hafoin bele foti desizaun ne'ebé sei sai ba Maromak nia glória boot no ba klamar sira-nia vantajen boot.





Remata fulan Don Bosco, halibur filafali konselleiru sira

- * husu, ba ida-idak, sira-nia paresér hahú husi Don Rua,
- * hotu-hotu lian ida de'it iha resposta .
- * «Di'ak, remata ona, oras-ne'e ita bele konsidera tebes duni nu'udar Maromak nia vontade atu ita tau matan ba menina sira».

Momentu sira *metodolojia dixernimentu ida* autentikamente kristaun-salezianu:

- ✚ tempu ida ba komunikasaun no informasaun kona-ba argumentu ida ho “importánsia boot”;
- ✚ espasu naruk ida tempu nian dedika ba reflesaun “iha Na’i nia oin” no ba estudu kona-ba “pró no kontra”;
- ✚ esperiénsia ida orasaun pesoál no komunitária;
- ✚ tau iha komún reflesaun sira bazeia ba dixernimentu pesoál kona-ba Maromak nia vontade;
- ✚ Don Bosco nia desizaun ne’ebé, hodi fó atensaun ba Konselleiru sira-nia kontribuisaun, hakat kedas ba obra.

Iha Mornese buat ne'e hotu mak
esperiência moris nian, hahú husi
konferénsia dahuluk ne'ebé Madre
Mazzarello halo ba comunidade.



Cronistoria Cronistoria' halo ita saboreia eh apresia intimidade no
signifikadu nakonu enkontru ne'e nian: *"Nia hahú ho ninia haraik-an baibain
nian hodi dehan katak la'ós nia de'it, vigária kiak ida, tenke lori uma bá oin
tuir Regra no Don Bosco nia hakaran sira, maibé katak Irmán ida-idak tenke
no bele sai tulun ba nia no konsellu no katak tanba ne'e ida-idak tenke no
bele manifesta sira-nia hareen no opiniaun rasik, atu buat hotu bele la'o bá
oin di'ak liután iha sentidu hotu"*.

Testu halo ita komprende estilu ida nimasaun
ida ho oin familiár no relasionál, iha-ne'ebé iha
espasu ba ema hotu, iha resiprosidade iha fó
no simu iha dinámika ida liberdade no
partisipasaun nian ne'ebé halo emerje iha
unidade, hahú husi diversidade.



«Kapítal» loloos Institutu nian mak ema sira. La presiza buka ho modu oioin atu haksumik talentu sira, maibé presiza domin intelijente ida atu liberta no promove sira, hodi tau talentu sira-ne'e iha kondisaun atu fó fuan másimu.



Konkluzan

Ita iha dimensaun sakramental relasan no akompañamentu nian.

Ba salezianu asaun edukativa mak ***fatin ninia enkontru ho Kristu:***

«Bainhira imi halo buat sira-ne'e ba ha'u-nia maun-alin ki'ik liu imi halo mai ha'u» (Mt 25, 40).

**Ne'e katak fiar iha ema, fó konfiansa, hadomi nia. Fiar
tuir maneira Kristu fiar iha nia, maski ho ninia limite
sira; hein ho nia, iha situasaun dezesperu nian mós,
no hadomi nia, hodi aseita nia nu'udar ninia an rasik.**



Sr Piera Cavaglià FMA